

行撥還築路存款。俾應支需。相應函達台端。希為查照。迅即飭令清理處黃主任。務將附存之築路費一萬八千餘元。先行設法撥回。以重公款。而維信用。是所殷盼。等由准此。用特函達。即希查照辦理。為荷。此致
華商銀行清理事務主任黃伯誠。

九月六日發

市政廳啟

箋函教育局送建國方畧五百冊分別

轉發由

來函。以統計市教育黨員。約共五百之數。請檢建國方畧五百冊發局。以便分送等由。茲特將該書如數檢送。即請查收。分別轉發。為荷。此致
教育局。

計送建國方畧五百冊

九月九日發

市政廳啟

訓 令

文牘 訓令

訓令姚觀順奉省指令委任兼理工務局長仰遵照接事具報由 訓令第一九〇八號
現奉

廣東省長公署第一九四〇號指令。本廳呈一件。呈報核准工務局長林逸民辭職。以公用局長姚觀順兼理請加給委任由。令開。據呈廣州市工務局長林逸民辭職。擬委任公用局長姚觀順暫行兼理。請核明加委等情。應予照准。委任令隨發。仰即查收給領。仍將奉文日期報查。此令。計發委任令一紙。等因奉此。合將奉發委任令。隨文令發該局長。仰即祇領。尅日前赴工務局接事。認真辦理。仍將接事日期具報。以憑轉呈察核。此令。

計發委任令一件

九月九日發

市長孫科

訓令財政局奉省長指令水上游藝場主任龍榮軒請撥給海垣建築場所